


OPTIEK

Oranjestad

San Nicolas



The Beer That Made Milwaukee Famous



Na Aruba tambe Surnamejonan a expresa nan deseo pa mas independencia

SAN NICOLAS — E delegacion di cinco persanan far di Surnam, cu ya e anochi anterior tabata na Carsaw, a duna diarazon anochi den Club Surnam un splicacion, dilanti di un sala casi jen, di e deseo cu actualmente ta existi na Surnam pa hani mas independencia, principalmente riba terreno internacional. E senjarnan aki, en representacion di gobierna, ta hani cu pa laga esaki algun cambian mester worde haci den e Statuut. Ta pesey awor nan a bin conferencia cu e gobierna di Antillas cu tambe ta un partner den Reino, y e gobierna Hulandes.

Den Club Surnam nan a splica e motibonan cu ta stroba e deseo aki

E idea pa tene lecturan tocante nan descomon tanto na Corsow como na Aruba ta pa duna un splicacion na e compatriotanan aki, cu tambe ta Surnamnan, pa asina nan keda na altura di e urgencia cu nan ta pone tras di e desarrollo economico na nan pais.

Lider di e delegacion aki di cinco. Ministro Presidente mr. S. D. Emanuels, a habri e fil di oradonan, despues di a ser introduci pa e presidente di Club Surnam, sr. Emil Goedhoop. Cu mash, atencion e discursonan a ser sigi pa e audiencia consistiendo e.o. di e protector di Club Surnam Gezaghebber F. J. C. BeuJon, diputado E. O. Petrona, miembro di Staten E. Finck, miembro di Eilandsraad A. Wijngaarde y e hefe di Voorlichtingsdienst N. Pina-Lampe.

„Paisnan cu te tres a cuater anja pasa ainda tabata colonianan, na e momento aki ta mas avanza cu nos, tabata algun di e prome palabranan di Premier Emanuels. El a muestra cu esaki ta bini pa motibo cu Surnam ainda no tin suficiente independencia pa bai afor pa regla asuntonan di suma importancia, pa e desarrollo di e pais. Den e pais mes ta brota di actividadnan riba terreno economico, pero cu no por jega na su punto maximo si no ta trata na haci esaki den exterior tambe. Mr. Emanuels a muestra cu un independencia mas grandi especialmente pa regla asuntonan exterior lo haci cu e pais e ora ey lo por parti-cipacion den organizacion grandi manera UNESCO, el International Monetary Fund y otro, v asina keda na altura di e posibilidad cu e organizacionnan aki ta ofrece y cual posibilidad por sirbi pa juda considerablemente na halza e base economico.

Diferencia grandi

Papiando di e tres partinan di Reino y Premier ta hani cu aki den ta sinti un diferencia enorme. Dando algun ehemplo el a bisa cu si gobierna Mericano kier halza derecho di impuesto riba hardboard p.e. na un suma di 2 milyon florin y sirai un protesta, anto Hulanda ta tene cuenta cu interesnan cu ta costa hopi mas tanto cu esaki y e no kier actua. E Premier ta hani cu esaki ta algo cu

no por tuma nan na malo, ya cu cada un di e partinan tin otro interesnan. Orador ta hani cu si Surnam tin mas independencia riba terreno exterior, anto ta posibel pa nan mes regla e dificultadnan, sin cu e otro dos partinan sinti ningun clase di estorbo.

Mas alcuw e premier ta hani cu ta e hon mentalidad di e tres paisnan a haei cu te ainda tin un bon relacion ta existi. „Un tin cu cuminsa awor cu tree e kestion aki padilanti. E momento a jega awor”, asina e premier a observa.

Mr. Emanuels a muestra tambe cu e urgencia cu Surnam tin pa lucha pa mas independencia den exterior y pa tree e cambian necesar cu pa esaki den e Statuut, no ta pasobra tin desacuerdo entre e partner, pero cu al-contrario esaki por ser jama masha bon. „Solamente nos no kier keda para caminda nos ta. Ta sigur cu mester bisa un mucha kiko e tin cu haci, pero e mucha, la bira grandi y e kier haci e cos su mes y e ta bai husa un otro manera pa bai adilanti. Y si e mucha su educacion ta bon, anto por ta tranquil cu e lo logra den esaki. Nos ta stabil y no corrupto”, e Premier a bisa.

Finalmente e ministro presidente a expresa e gran respeto cu nan tin pa e manera riba cual na Antillas nan ta traha na expansion di e base economico. E ta masha satisfeco cu e desarrollo na Aruba, cu ta den e mesun paso cu esun na Surnam.

E hiba pa Antillas, segun e Premier, ta pa solamente informa e gobierno aki personalmente riba nos intencionnan y cu no ningun momento ta e intencion pa stroba Antillas si resulta cu nan ta desea un otro relacion. Di otro banda nan ta spera tambe cu Antillas lo no haei esaki tampoco cu nan. Nos ta comprende esaki v cu e circunstancianan cerca e otro partnernan no ta igual.

No ta pa eternidad

A sigi como orador sr. H. Shrimisier, ministro di husticia na Surnam, kende a muestra riba e diferente sistemanan di gobierna cu cual Surnam

a pasa aden for di 1869, te na e momento cu e Statuut a jega.

El a recorda na e famoso discurso di S.M. Reina Wilhelmina despues di 2a Gera Mundial pa duna na cada paisnan nan libertad pa goberna riba nan mes. Na 1948 eba, segun orador, e deseo a cuminsa na Surnam pa tene un Conferencia di Mesa Redonda. El a conta com conferencianan a sigi na Den Haag te na 1950 pa hani mas independencia ainda pa Surnam. Despues di e periodo aki a hini e Interim Regeling cu a dura te 1954. E ministro a jama e tempo aki, anjanan di lucha duro contra politiconan experiencia.

„Nos tabata hoben y mester a sinja e weg politica ainda”. Na 1954 a jega e acuerdo pa medio di e Sta-

E cinco miembronan di e delegacion di RTC di Surnam cu tabata na nos isla diarazon p.p. Di robes pa dre-chi: mr. C. Ooft, J. Laehman, Premier mr. S. D. Emanuels, J. Pen-gel y H. Shrimisier.

tuut. Tres pais den e Reino pa de-clara nan mes boluntariamente na e obligacionnan di e Statuut. El a re-corda e palabranan di S. M. Reina Ju-liana na momento di firma e docu-mento aki na Den Haag. E Statuut ta duna na tres pais un monumento cu mester sirbi como un ehemplo pa otro. E documento aki no ta pa eternidad, pero ta expuesto na cam-bionan.

Na Surnam awor nan a cuminsa sinti e descomon pa haei algun cambio.

A resulta, segun e Ministro di Jus-ticia, cu tur e relacionnan den exterior ta worde haei door di Hulanda. E ta hani cu esaki mester sosode cu sabur di tanto Antillas como Surnam. Pero nada di esaki no a sosode.

„Mundo cada bez ta bira mas chi-quito, nos mester juda otro”, segun sr. Shrimisier.

E tambe ta hani cu tantem Surnam no ta un miembro independiente di e Organizacionnan Mundial, nan no por goza completamente di e posibi-lidadnan cu tal organizacionnan ta ofre-ce.

Continuacion riba pag. 2.

New York a bira punto central di tur discusionnan mundial

NEW YORK 6 april — Union Sovietica a suprimi su peticion den cual el a exige pa Asamblea General di Nacionnan Uni trata su queho contra accion di agresion di Mericano-nan, en conexion cu e incidente ta conoci di U-2. Na mes momento e representante permanente di Rusia cerca Nacionnan Uni, Zorin, a pidi e comision politico di Nacionnan Uni, pa no trata e kestionnan di Tibet y Hungria durante e reunion.

E ta di opinion, cu si discuti e dos topiconan ey awor aki, esaki lo stroba e esfuerzonan pa reduci e tension internacional y esey lo no contribui ne „trabao normal” di e asamblea, asina e delegado Ruso a bisa.

E suplente delegado Americano, Charles Yost, a apaudi e declaracion di Rusia cu nan a dicidi di no discuti e acusacionnan contra gobierna Mericano, ma el a declara tambe, cu e dos otro puntonan cu zorin a menciona (esta Tibet y Hungria) no ta depende ne mes na categoria manera esun di e keho Ruso.

Mas laa un portavoz Mericano a anuncia, cu Merca lo sigui insisti pa un discusion completo di e kestion di Hungria y Tibet den e sesion actual di asamblea general.

El a bisa: „Un ta Merca ta baas den e dos kestionnan aki, hopi otro pais tin interes pe asunto aki”.

Ministro Luns a jega New York

Ayer ministro Luns di Hulanda a yega New York cu avion, riba su rou-ta pa Washington. Lo e discuti cu auto-ridadnan gubernamental na Merca y entre otro lo e papia tocante e rela-cionnan cu Indonesia y e problema di derechonan di aterisacion na Los Angeles pa K.L.M.



J. E. P. CABENDA

ta anuncia wega di LITTLE LEAGUE pa Diabierne, 7 di april pa 7.45'or p.m. p.m.

den WILHELMINA STADION

NUTRICIA vs. ARUBA LIONS (South)
(Noord) (O'stad)

BO TIENDA PA BO ARTICULOS DI DEPORTE
TEL. 1539



Pelea na Panton

PONTON — R.H. cu H.F. a brin-ga otro na Ponton diarazon pasa pa cuarto pa cuater di atardi, cu e re-sultado cu F. a kibra e duim di su man robes. Na hospital nan a dune-le tratamiento medico, mientras cu R.H. kende tabata burachi mester a bai den cel.

Den cel

ORANJESTAD — E conocido B. R. kende diarazon pa dos'or y mei tabata burachi den Marinero Bar y tabata haci fastioso a worde hinka den cel.

Otra fastioso

ORANESTAD — Asistencia a ser pidi tambe diarazon pa dos'or y mei pa un tal A.M. kende tabata hurachi den vecindario di La Comodidad. E tambe a pasa pa cel.

F A T U M — Tel.: 1845
pa tur bo aseguranon

Pick-up a bolter

ORANJESTAD — Un colision dia-razon mainta pa diezun'or y binti na e skina Van Leeuwenhoekstraat-Wind-straat entre pick-up A-7722 maneha pa J.L. y A-6729 maneha pa T.K., a haei cu e pick-up a consecuecia di e sla ricibi a bai bolter un poco mas leuw. Sincabargo den e otro auto cu a keda para, e chofer y un pasahero a hani heridaman leve. Dano na e pick-up f 500.— y na e otro f 1000.—

Aperde

Lorenzo Wernet di Brazil 44 a perde un cartera di cuero color corra, conteniendo f 150.— 2 foto, y un kaarchi cu direccion.

„Aldo” tambe ta bai Lima

ORANJESTAD — Nos a ser in-forma cu tambe Aldo Travel Bureau for di Oranjestad, anke el ta un po-co laat, a hani un invitacion pa ha-ci e vuelo di inauguracion cu KLM-jet for di Willemstad pa Lima. Sr. Al-ber Raven lo bai na nomber di „Al-do”.



Gezaghebber F.J.C. BeuJon, ayera mainta a ricibi den su oficina e ganadornan di e statuutspol for di Corsow. Aki nos ta mira nan hunto cu Gezaghebber, sr. H. Dennert di Regeringsvoorlichtingsdienst y sr. H. Booi di Voorlichtingsdienst di Aruba.



Den Spritzer & Fuhrmn na San Nicolas a tuma lugar dia-mars atardi celebracion di Velma Henriquez su 15 anja cerca e firma aki. D.r.p.dr. S. P. Henriquez, papa di Vel-ma, Velma mes, sr. Blok di S & F, mama di Velma, un fa-mia mas y sr. Kok di S & F.

Candela den Sulphurplant na Lago domina den mei hora

SAN NICOLAS — Pa diezdos'or y mei ayera merdia un candela a estalla den e Acid & Edelmann Plant (Sulphur Plant) den Lago. E motibo di e candela aki, cu a laga masha poco danjo atras, no ta conoci ainda.

Pa un motibo desconoci un stelashi di palo cu ta situa riba e capa grandi di azufre den e refinaria a pega na can-dela. E stelashi aki ta soporta e ma-chui den cual nan ta comberti e azufre crudo den e azufre di polvo. Empleadonan na e sitio ey a trata prome na paga e candela cu e materialnan na man, pe-ro ora cu nan no a logra e homberonan di Lago mester a duna asistencia. Cu

6 a 8 slang di awa di laman bau di anjanan trinta a kima completamente cu excepccion di e kordinan di hero, su balor no ta mucho. Te aki e danjo a jega tambe, ya cu no tabatin danjonan personal.

E stelashi, cu ta di palo y traha den anjanan trinta a kima completamente cu excepccion di e kordinan di hero, su balor no ta mucho. Te aki e danjo a jega tambe, ya cu no tabatin danjonan personal.

E candela aki ningun momento a stroba e trabanan di continua normal-mente. Nan ta investigando kiko por tabata causa di e candela.

Boekenbal dia 10 di Juni

ta duna caracter especial na siman di buki

ORANJESTAD — E direct'va di e seccion Aruba, di ANV tin inten-cion di duna un caracter especial na e siman di boeki riba e isla. Durante di e reunion anual di diamars anochi ya nan a anuncia, cu dia 10 juni lo tin den Strand un „boekenbal” (baile) despues di e lectura di e autor Hu-landes A. den Doolharq den Centro Cultural.

E lectura aki anto ta e ultimo, di tres. Pues dia 6 di e luna ey A. Vogel Jr. lo tene den Centro Cultural un lectura tocante „Ik en mijn speelman”, mientras cu dos dia despues Jan de Hartog, tambe un escritor Hulandes — el a skirbi e.o. „Hollands Glorie” y „Schipper naast God” — lo papia den Basiruti durante di e mercado di boeki cu lo worde tene e anochi ey. Ademas contactonan ta ser tuma cu e comision pa „Culturele vorming o schoolverband” pa haei posibel uno o mas lecturan door di e autoron Hulandes pa e muchanan di scol, y si por ainda un mercado di boeki pa e muchanan.

ANV tin anto masha hopi plannan pa e siman di boeki, cu ta duna na Aruba for di 6 te cu 10 juni.

Directiva nobu

Durante di anual reunion general pa miembronan di ANV, cual a wor-

de bishita pa poco hende, e president M. F. van Drie por a muestra riba un anja ey ANV a organiza un „Oran-je-bal” dia 29 april na ocasion di cum-pleaños di La Reina. Esaki lo ta un baile specialmente pa e miembronan di ANV. E lo worde tene muy pro-bablemente den Palm Beach Club.

Oranje-bal

Un plan nobu pa e futuro cercano di ANV ta organizacion di un „Oran-je-bal” dia 29 april na ocasion di cum-pleaños di La Reina. Esaki lo ta un baile especialmente pa e miembronan di ANV. E lo worde tene muy pro-bablemente den Palm Beach Club.

DENNIS DE SCHRIK VAN DE BUURT



„Moeder vindt dat je beter kunt helpen met het afwassen!”

„Mama di ta mihor ba yude laba tajó!”

SUAVE Y AGRADABLE

CIGARIA ANTILLANA

AGENTE PA ARUBA: J. H. CROES, AURORA BAR, TEL. 1041.



ELECCIONNAN NA NIEUW GUINEA — Aki nos por forma nos mas o menos un idea cuanto actividad i interes tabata ser muntra di parti di publico pa Consho di Nieuw Guinea na urna e lectoral cu ta estableci na Oranjelaan-Hollandia Haven.

Gobierno derecho di Laos quier delibera

VIENTIANE, 6 april. — E gobierno derechista na Laos ta d'spueto pa directamente hiba deliberacion tocante un armisticio cu Pathet Lao.

esaki a ser informá di bon fuente. E portavoz a agrega cu e gobièrno derechista quier proclama un armisticio asina cu Pathet Lao a haci un tal jamamento. E gobièrno di Vientiane te awor aki a fija cu un armisticio por ta posibel solamente despues cu tur trupanan ser retirá di noord Vietnam.

Ajera e minister di defensa di e gobièrno na Vientiane, general Phumi Nosavan, a declara cu su trupanan ta d'spueto na stop di h'nga asina cu orden a ser duná pa esey.

Un portavoz di cancelleria Britanico a bisa cu Inglaterra y Union Sovyetica a cuminsa cu deliberacionnan en detayes di e argonnan practico pa asegura paz na Laos.

Declaracion di Lyndon Johnson

PARIS, 6 april. — E vicepresidente di Merca, Lyndon Johnson, a declara awe na Paris cu su pais lo haci tur loke ta posibel pa reforza potencia y unidat di e Pacto Atlantico.

E seguridad di Merca y esun di Europa ta inseparable, Johnson a afirma.

E a declara ademas cu un equipaje nuclear efectivo ta necesario pa OTAN pa segura defensa di e miembronan.

Discusion di Betancourt i cancellero Colombiano

CARACAS, 6 april. — Presidente di Venezuela, Rómulo Betancourt, diadabra awor lo hiba deliberacion cu e cancellero Colombiano, Juli Cesar Turbay Ayala. E encuentro lo tuma luga den e ciudad di San Cristobal na e frontera entre Colombia y Venezuela na clausura di e festividadnan en ocasion cu celebracion di 400 aniversario di San Cristobal. Problemanan economico relaciona cu problemaman fronterizo lo ser discuti.

Bourguiba a lanza un discurso jen di speranza

TUNESIA, 6 april. — Presidente Bourguiba di Tunisia a expresa su speranza durante un discurso dirigi na asamblea nacional di Tunisia, cu autoridadnan Frances lo sigui riba nan caranda pa yega na negociacion cu Argelionan revolucionario, no obstante e hecho cu asunto nan no ta marcha manera mester ta.

Bourguiba, kende a duna resultado di su entrevista cu presidente De Gaulle, na parlamento a bisa cu e presidente Frances ta dispuesto na laga tur Frances y tur otro Europeonan repatria na Francia, si resulta cu ta imposibel pa Europeonan biba den mesun pais cu Argelionan. Presidente Bourguiba a agrega cu e mes no ta desea esaki. E ta di opinion cu solamente e mal elementonan mester worde retira.

Ta deseable si pa tur otro keda den e pais y casi nos lo por desea pa nan bira mas tanto, asina presidente Bourguiba a declara.

Na Paris gobièrno Frances a declara awe den un comunicado oficial, cu pa motibo di e frontera di liberacion nacional di Argelia, esta F.L.N., e negociacionnan pa paz cu Argelia, no por cuminsa dia 7 di april na Evian.

Surinam kier cambia Statuut

Cont. di pag. 1

El a papia riba e trabounan grandi cu ta ser haci actualmente na Surinam. „E pais ta crece, pero tin mester di placa principalmente. E placa aki mester bini. E placa aki t'ey”. Pero e ta hania cu e pais mester di cierto grado di seguridad di existencia. „Como nacion nos tin cu bai mas leu den mundo, na beneficio di Surinam. Actillas Hulandes y di e Reinado Hulandes.”

Nos mes tin cu traha

Un di e otro oradornan e awochi aki tabata mr. C. Ooft, secretario di e delegacion y miembro di Staten na Surinam. El a hania cu si un pais no traha su mes independencia, e no por spera cu un otro lo regalé esaki.

El a observa cu e delegacion cu ta bai papia tocante di e cambionan necesario den e Statuut sibi masha bon kico nan kier. Na Surinam no ta existi e deseo pa bira un republica. Nada di esaki. Surinam ta den evolucion di su planan di desarrollo, y Surinam lo keda bati di e corona di e Cas di Oranje, segun orador. El a mustra tambe cu na Surinam grand' hopi biabla nan ta indica Hulanda solamente como Reinado, mientras cu e Statuut ta bisa claramente cu ta tres pais ta forma e Reinado. Tambe el a trece adiantu e Gobièrno di Reinado den cual Surinam y Antillas tin solamente un asiento (e dos ministronan plenipotenciario) contra d' diezshete di Hulanda. „Esaki tambe mester worde cambia segun mr. Ooft. El a mustra tambe riba e paisnan rico (Alemania, Occidental p.e.), cu cual pais ta bon na Surinam den contacto si e tin mas independencia pa regla su asuntunan exterior.

Saca e parti maloe

Sr. J. Lachman, lider di fraccion di V.A.P. den Staten na Surinam tabata otro di orador cu no ta pa prome biabla a papia den Club Surinam.

Segun e orador aki, e Statuut no a

desarolla su mes completamente ainda. E tempo ta mucho corto. Ta pesey ta comprendibel cu lo por b'ni cambianan.

Surinam no kier kibra cu Reinado, pero solamente kier saca e partinan maloe cu ta para den e Statuut. Asina mester mira e lucha di Surinam. Y si presenta mas puntunan robez den e Statuut anto esakinan mester worde cambia tambe. „Nos ta contra, e interpretacion y algun articulacion cu ta stroba den e Statuut”, el a bisa.

Orador a mustra cu na 1954 Surinam no tabata den estado di regla su mes asuntunan den exterior, pero cu nan jega na un acuerdo pa medio di e Statuut cu e asuntunan lo worde regla door di Reinado na un manera igual. E ta sigi bisa cu awor a resulta cu e relacionnan exterior solamente ta worde haci door di Hulanda, sin saber di e otro dos partinan.

Pa clausura su discurso el a bisa cu nan deseo solamente ta pa drecha e espíritu den Reinado, ya cu segun nan conviccion algun articulacion no ta worde adapta manera mester ta.

Ultimo orador di e awochi tabata sr. J. Pengel, lider di e fraccion di N.P.S. den Staten, kende tambe un biabla mas a splica e lucha grandi pa mas independencia. Nos a splica claramente na e gobièrno Antillano nos desconfianza. Nos ta spera cu nunca lo resulta un situacion di conflicto entre Antillas Hulandes y Surinam. „Entretanto nos ta contento cu pa nos punto di bista tin suficiente comprension na Antillas Hulandes.”

Pa mas omenos diez pa diez e reunion a termina y a keda na e presidente di Club Suriname atrobe pa gradici pa e awochi asina instructivo pa e comunidad Suriname riba e isla, kendenan tambe ta realizando e momento importante cu nan pais ta pasando aden.



Ayer a thata asina leu cu nan por a basha cement riba dak di e edificio nobo di Banco Comercial Antillano na Wilhelminaplein. Aki nos ta mira empleadonan di Petrona & Croes ocupa na trabau.

HOROSCOOP

di awe

RIESNAN 1 Maart — 21 April



Un influencia serio y objetivo ta yuda bo den tur trabao y debnan.

TAURISNAN 1 April — 21 Mei



Bon aspectonan ta yuda bo probega di decision di otronan. Hacer uso di bo inspiracion.

GERMINENAN 22 Mei — 21 Juni



E dia di awe no ta bon pa tuma iniciativa. No sigui bo emocionnan di awe.

CANCERNAN 22 Juni — 23 Juli



No sea mucho puru den e tempo aqul cu obligacionnan. No firma cos cu bo no sa.

LEONAN 24 Juli — 23 Augustus



No haci nada cu por trece dificultades cu otro hende. Tira un bista riba bo mes faltanan.

VIRGONAN 24 Augustus — 23 September



No desanima ora cu otronan stroba bo planan of reaccion desfavorablemente.

LIBRANAN 24 September — 23 October



No cuminsa cu nada di trabao grandi ora cu principalmente no ta placa.

SCORPIONAN 14 October — 22 November



Bai cu calma den contacto cu bo superiornan y personanan mas bieu cu bo.

SAGITARIUSNAN 13 November — 21 December



Awe ta un bon dia pa bo bisa un hende loke masha dia bo tin na bo curazon, ma na bon moda.

CAPRICORNUSNAN 22 December — 20 Januari



No tuma risico awe, ora cu tin placa meti den cualquier asunto. Bo n' risca nada awor.

ACUARIUSNAN 21 Januari — 19 Februari



Den algun sentido e dia di awe lo bin parece un poco dificil, pero no intranquiliza bo.

PISCES 20 Februari — 20 Maart



Bo por conta cu d' fieltadnan den contactonan cu publico of otro sexo. Usa semper tactico.

Un yamamentu di Inglaterra i Rusia na Laos

NEW DELHI, 6 april. — Na New Delhi nan ta spera cu Inglaterra y Rusia pronto lo haci un yamamento riba e partidonan cu ta lucha na Laos, pa nan stop nan bringamento.

E negociacion tocante e dos prome fasenan di plan britanico esta, un jamamento comun pa cera armisticio y e peticion na India pa convoca un reunion di comision di control internacional, ta progres, bon. E comision, cu ta consisti di India, Polonia y Canada, probablemente lo reuni den termino d' un siman, asina a worde anuncia den circulanon diplomatico na New Delhi.

Petrona & Croes

Dakota - tel: 1712-1639

PA TRABA PLAN DI CONSTRUCCION, BESTEK Y BEGROTING

Seagram's V.O.
CANADIAN WHISKY
"Honoured the World Over"

Your taste tells you it's Canada's finest whisky—smooth, light-bodied and clean-tasting—with a delicate flavour and distinctive character unsurpassed in a highball or "on the rocks".

Throughout the world, more people buy Seagram's V.O. than any other brand of whisky exported from any country.

ARUBA TRADING COMPANY
ORANJESTAD - ARUBA

Pa salida
sigur y

rapidamente

ACUMULADOR WILLARD

Economiza mas gasolina en kilometraje adicional... evita gasto innecesario de e motor... sal de una vez, en seguridad, en rapidez. Usa siempre e acumulador Willard di potencia maxima

JOSSY MOTORS
Wilhelminastrat 91
Aruba



CISCO KID

1. "Quico Cisco lo haci ora e hant, sa cu nos a paca e otro?" "Pa e sa... Mi ta spera cu ningun hende no a mitel!" 2. "Mi hanta Cisco bisele cu un hende a dal mi?" 3. "No! Por ta cu ta cay mi a cay golpeando mi cabez..." Cisco lo kere cu mi ta bobo!"



JUAN EL INTREPIDO

1. "Si mi a calcula malo, Nago... mi ta pidi bo perdon awor... despues lo ta laat!" "Mi ta perdona bo awor, lage bula..." 2. Juan ta cende e cabuy, empapa den gasolina... 2. "BOOM!"



DICK TRACY

1. "E segundo porta abau, senjora." "Danki." 2. "Bo por mira cu su barba a crece poco. Lo no tarda pa e crece." "Mi ta spera. Su barba tabata nos fortuna." 3. "D'spensa mi, nan a bati na porta." 4. "Tia!"



RIP KIRBY

1. Kirby ta distrae Gila su atencion... "E holor di e carni porco ey ta habri mi apetito." "E desayuno lo no ta tarda. Gila." 2. "Si e hefe sigi asina, e desayuno ta bay fria." 3. Pero Kirby a hanja algo... E etiqueta aki di e cambio di azet, ainda bo por leza."



EL PRECIO DEL TRIUNFO

1. "Ayer nochi e la haci macera e no a mira mi..." y mi quier sa paquico!" 2. "Tony, ta parece cu bo a bay expies ora bo a mira mi bini ayer nochi!" "Dispensa mi, srta. Bossor! Mi mester a janta pa excusa!" 3. "Mi ta acepta bo excusa! Mi por desayuno cu bo?" "Dispensa atrobe! Mi a caba d' desayuno y algun amigo ta spera mi!"



EL DIARIO DE UNA VIDA

1. "Riperé mas, Tuto..." "ah... Tula." 2. "Tin muher coleccionista di stampia di placa, pisa... bisa mi. Eva..." 3. "Bo ta colecciona homber? No haci inocente..."



PEPITA

1. "No ta verdad. No ta verdad. La Verdad." "No ta verdad." 2. "Oh, lag nos stop di discuti y dina otro dia sunchi!" "Bon idea!" 4. "Pero mi quier pa bo sa cu ta verdad."



Cuba a rechaza protesta Mericano

HAVANA, 6 april. — Cuba a rechaza e protesta Mericano contra detencion di e bapor di cabel Mericano Western Union, asina a ser informa pa e canceller Cubano na Havana.

Segun e autoridadnan Cubano e bapor a viola awan territorial di Cuba. E capitán di e bapor a declara cu e tabata 5 milla for di costa Cubano ora cu el a ser detene. E bapor "Western Union" a ser pone den libertad despues cu el a pidi asistencia di avionnan y bapornan militar.

Un portavoz di cancelleria na Washington a acusa autoridadnan Cubano di no ta diña e presunian Mericano e cuida y medicinan necesario.

Gobierno a pili Cruz Roja Mericano un siman pasa pa tuma pasonan na Cruz Roja internacional y esin Cubano pa trece un cambio den esaki.

Te awor aki e pasonan tuma no a duna ningun resultado.

Koetzetnof ta reconoce necesidad di un armisticio

WASHINGTON, 5 april. — E suplente ministro Ruso pa asuntunan exterior, Koetzetnof, a anuncia e embahador Britanico na Moskou, sir Frank Robert dialuna, cu nan ta reconoce e necesidad di un armisticio na Laos prome cuinisa un conferencia internacional. Nan no a bisa nada si tocante e transportation di arma pa e pais.

Gobierno Ingles ta optimista pa cu Laos y ta spera cu e comision internacional pa control lo por reuni algun dia despues cu e Inglaterra y Rusia haci un yamamento riba e partidonan cu ta lucha.

Anto e ora ey mas o menos tres siman despues lo por cuminsa un conferencia internacional tocante Laos.

Continuacion dje reunion na Laos

LONDEN, 5 april. — E negociacionnan entre gran Bretania y Union Sovietica tocante Laos, lo worde continua. Asina un portavoz dje ministerio Britanico pa relacionan exterior na London a declara.

E portavoz Ingles a ninga di duna algun comentario tocante e noticiannan for di Washington, segun cual Inglaterra lo mester acepta e hecho cu Principe Savanna Phuma, mester worde nombra como prome ministro dje gobierno Laosiano nobo, bao di direccion di rey di Laos.

ANTON HUNINK'S
BOERENMETWORST

Niet voor de poes!

Cuba ta hanja un locura di quibra cu comunismo


HAVANA, 5 april — E corant semi-oficial cu ta worde publica na Havana, „Revolucion”, a yama e declaracion di ministerio Mericano pa relaciones exteriores, den cual nan ta pidi Cuba pa kibra tur lasonan cu paisnan comunista „un locura”.

E corant ta scribi: „Si nos kibra nos relacionnan cu e paisnan ey, amosaki lo nifica cu e paisnan cu ta compra nos sucu, mientras gobierno Yankee no ke compra”. Kibra cu e paisnan cu ta entrega zeta pa nos mientras gobierno yankee no ke entrega nos petroli. Kibra cu e paisnan cu ta entrega nos mineralnan, mashin y otro articulonnan necesario cual nos no ta hanja sera imperialismo di yankee. Esnan cu ta acusa Fidel Castro di a traiciona revolucion Cubano ta nifica, cu Fidel ta considera interes-

nan di pueblo Cubano mas halto cu esnan cu a prosedra di nos y penetra den nos territorio.

E pilotonan a hanja libertad

E dos Mericanonan, kende nan avion a ser obliga na ateriza na Cuba dia 24 di maart lo hanja nan libertad, asina embahador Suiso na Cuba a declara. E avion tabata na caminda pa un republica na America-Central. Tocante e avion mes y su carga cu e tabatin a bordo nan no a bisa nada.



Aki nos ta mira e stewardess Marion Ogden, tratando pa hanja su colega Alicia Torres den un bon posicion 'riba lens di su camara. Nan ta na Aeropuerto Internacional na Miami, na unda Alicia ta bisti den un traje di indian. E traje aki mester a worde manda urgentemente pa Rio de Janeiro via un Clipper Jet di Pan American, na unda un otro stewardess, Myrtle Sue Fox, lo bistiele durante un fiesta di e stewardessnan. Wow... kende no ta desea di ta e indio?